

Leichpredigt.

58
G.S.

demselbigen vbereinstimmet / nach dem Exempel vornehmer Theologen / die Gesang vnd Gebet in Predigten erklaret / auff begehren / bevorab weil es bey einer Leichbegängnis geschicht / vor vns nehmen wollen / vnd daraus handeln.

I. De Vita Christiana , vom Christlichen Leben.

II. De morte beata , vom Seligen ableiben.

III. De mansione æterna, vom Ewigen Leben.

Gilff Herr Jesu daß es dir zu Ehren / vns zur Geslichkeit diene Amen.

DE PRIMO.

GIn Gebet recht formiren / ist ein Meisterstück in vnsern Christenthumb. Christus Jesus welcher vnser einiger Meister ist Matth. 23. 8. da er von seiner Jünger einem angesprochen ward / er sollte sie beten lehren / wie auch Johannes seine Jünger gelehret hette / sprach er ihme das Vater Unser vor Luc. 11. 2. dasselbe ist nun zwar *Oratio Orationum* , ein hohes Gebet / vnd ein Gebet über alle Gebet / nach welchem Gebet sich alle andere regulieren müssen / an vnd in welchem wir auch gar gnug zu beten haben / dann all vnser anliegen / vnd was vns an Leib / Geistlich vnd ewig von nöhten / ist darinne kurz zusammen gefasset / wird ihme auch keiner einbilden / daß er es besser machen könne / oder wölle / sondern könnten gar wol einig vnd allein darbey verbleiben / wann nicht vnser Schwachheit